

Eñjake iakwe eo an Kraist



Jān Elder Takashi Wada
Jān Jiljilimjuonñoul eo

Ke ikar rūttoļok ilo Japan, kar letok ñan eō juon Baibōļ ilo mōn jikuul eo. Ekar lōñ naan ilo kajin Pālle im Japan turin doon. Būrinjibōļ eo am ekar ba ñan kōm ñan kōjerbale ñan ekkatak kajin Pālle.

Ke ikar riiti, ikar ekkatak kōn Jisōs. *Wōn armej in eo eobrak kōn iakwe?* Ikar ļōmņak. Naan ko E ekar ba rekar kamōņōņōik eō. Ikar kōņaan jeļā eļapļok kōn E.

Ejjab to tokālik, ikar ioon mijenede ro. Rekar letok juon aō Bok in Mormon im rekar kajjitōk bwe in riiti im jar kake. Ikar mōņōņō in riit kōn Jisōs ilo Bok in Mormon. Ikar jar im eñjake bwe eņool.

Ejjeļok juon ilo baamļe eo aō ekar kōņaan ekkatak kōn Kabuñ in. Jisōs ekar katakin bwe jej aikuj kautiej jined im jemed, ak ro jined im jemed rejjab kōņaan bwe in kobatok ilo Kabuñ in. Ekar pen.

Ikar ba ñan ro jinō im jema kōn eñjake eo aō. Ikar ba ñan er kōn jar ko aō. Rekar jab mejeļe. Rekar bwilōñ etke ikar kōņaan bwe in etal jān kabuñ eo am.

Ikar kajjieoñ wōt. Āliktata jinō im jema rekar ba imaroñ peptaj. Elōñ iiō tokālik, jinō ekar bar peptaj.

Ijeļā bwe ikar jeraamņan kōn aō kōņaan ļoor Jisōs. Eņņan ippa ekkatak kōn E, im ijeļā bwe ļoor E ej bōktiok jeraamņan. ●
Jān juon intōrpiu ippān Haley Yancey.